



Reunidas as xuntas de Goberno dos colexios da avogacía de Galicia o pasado 18 de abril de 2026, e logo dos seus debates e conclusións, o Consello da Avogacía Galega emite o seguinte comunicado:

Ante a situación actual, marcada pola falta de resposta da Dirección Xeral de Xustiza ás reiteradas reivindicacións do Consello Galego da Avogacía en relación coa necesaria e adecuada indemnización dos servizos de Xustiza Gratuíta, as Xuntas de Goberno dos Colexios da Avogacía de Galicia foron convocadas o pasado 18 de abril de 2026.

Reunidas para o efecto, as Xuntas de Goberno manifestan de forma unánime a urxente necesidade de incrementar os orzamentos destinados ao Servizo Público de Xustiza Gratuíta, así como de revisar e actualizar os actuais baremos indemnizadores, claramente insuficientes para garantir unha retribución digna ás avogadas e avogados que sosteñen este servizo esencial.

En consecuencia, acordan dar traslado inmediato destas reivindicacións á Dirección Xeral de Xustiza, instando á apertura, sen máis dilacións, dun proceso de negociación efectivo que permita resolver a situación actual e establecer un marco estable, xusto e acorde coa realidade profesional para o futuro da Xustiza Gratuíta en Galicia.

